



«05» 02 2024 թ.
№ ԳՎԱՊՁԲ-23-9/50-1-96

«ԻՓԻԷՍ» ՍՊԸ-ին

ՀՎՀՀ 00236854

ՀՀ, ք. Երևան, Մամիկոնյանց 6-34

հեռ. +374 93 72 73 73

էլ. հասցեն՝ epraqs@mail.ru

ՀՀ պաշտպանության նախարարության և «ԻՓԻԷՍ» ՍՊ ընկերության միջև 11.09.2023թ. կնքված N ԳՎԱՊՁԲ-23-9/50-1 գնման պայմանագրի (այսուհետև՝ Պայմանագիր) շրջանակներում «ԻՓԻԷՍ» ՍՊ ընկերությունը 2023թ. 3-րդ և 4-րդ եռամսյակներ, բայց ոչ ուշ քան նոյեմբերի 30-ը պետք է մատակարարեր 20,000 կգ «Բլորակիր», որոնց մասով Պայմանագրով նախատեսված պայմաններին համապատասխան «ԻՓԻԷՍ» ՍՊԸ-ի կողմից մատակարարում չի իրականացվել:

Հիմք ընդունելով Պայմանագրի 2.1.7.1 կետի «բ» ենթակետը՝ (ապրանքի մատակարարման ժամկետները խախտվել են 20 օրից ավելի) ՀՀ պաշտպանության նախարարությունը 2024թ. փետրվարի 5-ին միակողմանի ամբողջությամբ լուծել է վերոնշյալ Պայմանագիրը:

Տեղեկացնում ենք, որ «ԻՓԻԷՍ» ՍՊ ընկերությունը պարտավոր է սույն ծանուցումը ստանալուց հետո 5 (հինգ) բանկային օրվա ընթացքում ՀՀ ֆինանսների նախարարության կողմից բացված գանձապետական 900005028106 հաշվեհամարին փոխանցել 78,675 ՀՀ դրամ՝ որպես տույժ (Պայմանագրի 6.2 կետի համաձայն), որը հաշվարկված է մինչև 21.12.2023թ.-ը և 52,450 ՀՀ դրամ՝ որպես տուգանք (Պայմանագրի 6.3 կետի համաձայն):

«Գնումների մասին» ՀՀ օրենքի 6-րդ հոդվածի 1-ին մասի 6-րդ կետի համաձայն՝ Մասնակիցն ընդգրկվում է գնումների գործընթացին մասնակցելու իրավունք չունեցող մասնակիցների ցուցակում, եթե խախտել է պայմանագրով նախատեսված կամ գնման գործընթացի շրջանակում ստանձնած պարտավորությունը, որը հանգեցրել է պատվիրատուի կողմից պայմանագրի միակողմանի լուծմանը կամ գնման գործընթացին տվյալ մասնակցի հետագա մասնակցության դադարեցմանը և մասնակիցը հրավերով և (կամ) պայմանագրով

սահմանված ժամկետում չի վճարել հայտի, պայմանագրի և (կամ) որակավորման ապահովման գումարները:

Հաշվի առնելով վերոգրյալը, տեղեկացնում եմ՝ Պայմանագրի միակողմանի լուծման արդյունքում պայմանագրի կատարման ապահովման գումարը կազմում է 1,060,000 ՀՀ դրամ, որն անհրաժեշտ է վճարել ՀՀ ֆինանսների նախարարության կողմից բացված գանձապետական 900005000758 հաշվեհամարին և որակավորման ապահովման գումարը կազմում է 1,590,000 ՀՀ դրամ, որն անհրաժեշտ է վճարել ՀՀ ֆինանսների նախարարության կողմից բացված գանձապետական 900008000664 հաշվեհամարին:

Միաժամանակ տեղեկացնում եմ, եթե մինչև 2024թ. փետրվարի 14-ը ներառյալ Ձեր կողմից վճարվի վերը նշված 1,060,000 ՀՀ դրամ՝ պայմանագրի կատարման ապահովման և 1,590,000 ՀՀ դրամ՝ որակավորման ապահովման գումարները, ապա «ԻՓԻԷՍ» ՍՊ ընկերությունը չի ներառվի գնումների գործընթացին մասնակցելու իրավունք չունեցող մասնակիցների ցուցակում: Նշված գումարները անհրաժեշտ է վճարել Կենտրոնական գանձապետարանում լիազորված մարմնի անվամբ բացված վերը նշված գանձապետական հաշիվներին և վճարված կտրոնների բնօրինակները մինչև 2024թ. փետրվարի 14-ը ներառյալ ներկայացնել ՀՀ ՊՆ գնումների կազմակերպման վարչություն, 2078 սենյակ:



Կ. ԲՐՈՒՏՅԱՆ